

饒平縣志卷之八

潁川劉抃纂修

人物

士君子讀聖賢書非以獵科名博取富貴而已居則化及鄉邑出則功在民社饒先達諸賢類多德誼敦厚治行循良卓乎樹人倫之表者讀王符實貢篇可以無媿矣高山在望跂予仰止志人物

宋張夔字致堯隆眼城鄉人登政和八年進士擢茂名宰有豪戶犯法欲致厚賄賂近吏微諷之夔

饒平縣志

卷之八

人物

一

廉知亟發其事置豪于法并其吏黜之獄成上於州豪復以飛語中夔守疑其冤逮吏訊之夔抱牘詣州自辯卽投告身求去守悟竟置豪罪勉夔復就職自是諸司薦其清介南中諸縣夔爲第一高宗賜璽書褒獎擢判廉州廉產沉香生金前後仕者囊以歸夔至一無所取時山寇竊發屬夔督捕夔諭以禍福限令歸農不旬日皆投戈散去遷知新州首興學校捐俸梓五經擇民間子弟俊秀者誦習之築陂瀦水灌民

田十餘頃民共賴之稱爲張侯陂高宗嘗書其名干屏曰南有張夔北有周昕夔五十登第七十致仕卒年九十有三所著有祿隱集子昌裔通判容州夔嘗示以詩曰慎勿與人交水火好尊名節重邱山後改瓊州持身謹飭不替風元余英字節翁中元至元中進士時元政酷烈民多逋賦守臣請勦之英詣軍門願捐貲代完賴以全活者數千家又建義學修橋梁以清遠田莊一區給鄉人之貧者以小榕田莊一區施開元

寺僧今祠祀不廢云歷任至封川節度判官後遷居黃岡裔孫登賢書者凡八九人

明李鳳字符昌幼涉書史能得大意明初辟授行人調長樂知縣政務安養構觀稼亭以勸民力田再調連江革除事起遂棄官歸崇祀郡庠後建澄海修入澄邑并祀鄉賢

盛鳳儀字景瑞成化乙酉貢授仁化訓導都御史韓雍禮致幕府時翁源乳源兵叛檄鳳儀策平之仍命民開墾絕戶田以補積負又議定賊三

則民咸稱便繼陞安溪教諭拓學地殿廡一新
尋乞休歸生徒遮道畱者至數百里後仁化思
之與教諭翁瑛林巖並祀爲三賢祠

余字伯璇少以孝義聞成化丁酉登賢書因親
耄不試春官十餘年親沒始就教梧郡擢清流
縣令剛正廉介有善政抗疏東歸民懷思之祀
於名宦

陳理字子文度量寬宏行誼端謹領成化庚子鄉
薦以春秋授業伍文定之門適時有養親之例

欣然就教德興崇風化嚴規約與大宗伯張需
倡和金壇聲稱藉甚擢浦城尹廉惠有體忽邁
危疾遂棄官歸居鄉平心率物皆以道誼相結
爲世所宗

陳懋字子旃制行高潔居毋哀廬墓三年由國子
生授雍府審理改藤縣令復調柳城教諭棄官
歸好學不倦縣令延爲大館師以教鄉之子弟
清白終身絲毫不染祀鄉賢

翁理字存道登成化丁未進士授興化推官擢監

察御史出爲湖廣副使時有土官千重辟賂金請托關節疊至卽嚴訊立斃之士民稱快赴京補任值劉瑾擅政遂致仕歸

盛端明字希道父鳳儀爲安溪學官掘地得宋端明殿學士希道先生墓碑故名與字有取焉中宏治戊午解元登壬戌進士選庶吉士歷任禮工二部尚書世宗屢加褒賜歸築北門堤以壯捍禦所著有程齋彙稿卒年八十一贈太子太保謚榮簡

趙通字半村領弘治甲子鄉薦知寧海州值水旱頻仍通請蠲租賦發粟賑濟逃亡來歸者千餘家時中使買黃金於郡以發值無所侵冒爲郡守喉歸州民哭送道左其子時舉登嘉靖庚戌進士授黃州府推官明決無滯牘驛傳銀楚中積逋至十八萬巡道將請追完公言於直指獲免楚人德之迨致仕歸日與鄉先達作怡老會暑有白雲館集行世孫養元元孫熙紹咸膺歲薦

周用字舜中大埭人穎悟通敏博物洽聞宏治乙丑進士歷知建昌惠安二縣懲惡旌善興學賑饑嘗北行至豐城遇狼兵鬻所掠老嫗于市出橐中金贖歸其家後擢大理評事決獄明允改浙江僉事盡心民務力闢白茅港灌田數千頃民利之致政歸家所著有顧影集祀鄉賢

劉瓚字子襄田國子生授通州判官陞本州同知掌州事正德壬申流寇猝至困城瓚鑿壁納印其中謂子弟曰我死此矣遂登陴固守會暮賊

去是夜颶風覆賊舟幾盡都銜史陸完以援兵至索犒甚亟瓚咄嗟立辦完喜奏績不與其賞平陞府判尋致仕歸家居復二十餘年年九十卒所著詩文兵中失傳惜哉

楊驥字仕德弟鸞字仕鳴信寧浮山人入郡學同領正德丙子鄉薦聞王陽明先生倡明道學徃從之驥志道不凡脫落世故曾次了然無累及疾篤猶整冠自持至死不變士大夫咸痛悼之
嗚慨然以道自任志爲聖賢及門之士不

化相觀以成業於南雍人司成甘泉湛先生深
器之及其卒也爲之營殮扶櫬出於郊陽明先
生以文祭之時潮人有二鳳之稱嘉靖壬辰竝
祀鄉賢

吳天漢素行狷潔臨財不苟與諸生談雖盛暑必
衣冠手不揮扇曰對聖賢語豈可褻耶後入貢
太學試第一時大司成喜曰此生行亦無雙歸
卒於家

夏大勳字印峯登嘉靖丙午鄉薦授新淦知縣以

力庇孱民失權貴意改松江府教授興學課士
勤于其職復捐俸以資貧士文教大振隆慶庚
午福建巡按御史陸公聘主八閩試時稱得人
在松江得鼎元唐文獻于諸生中期以大器人
服其卓識後陞高淳知縣清慎多惠政解組歸
卒葬鹿子洋山門人饒平令建八閩主試坊於
墓所

黃詔字天翰德氣溫冲仁孝天植弱冠遊邑庠善
詩才甚捷數奇不第典教春陵上高鎮海士多

賴陶鎔晚年解組歸棲遲衡門問字之履常滿
三爲鄉賓鄉服其化云

薛雍字子容號南潮隱君璽之子少有大志讀書
不拘成說弱齡淹貫古今從楊少默先生講良
知學郎中張公聽謫干饒上書論詩事聽奇之
嘉靖辛卯鄉薦冠春秋一經以親老不就試南
宮嘗讀書蓮花山中聞親病夜半躡虎跡歸省
虎爲伏不動云益奮勵參稽天下之務旁及天
官歷律之書著擬獻策四十二篇偉然以經濟

自任至於詩歌特其餘者迨親沒貧甚數上春
官不第志益堅著作益廣嘗語盛尚書曰此心
年來甚駿視常情所美不啻土苴矣未仕而卒
時論惜之所著有南潮詩集行於世

朱廣章宣化都人隆慶庚午科鄉薦事繼母以孝
聞任廣西桂林府管糧別駕廉能茂著叨恩詔
晉階奉政大夫修正庠尹崇祀鄉賢

許時 隆眼城都人領萬歷壬午鄉薦授建寧府
推官轉襄陽府同知歷官以廉慎著垂橐歸林

敦睦里閭鄉有隄捍水爲都人居食之需丁巳歲波臣爲灾民嗟其魚公毅然出力倡築至有大夫胼胝之謠迄今尸祀不替焉

陳天資號石岡嘉靖乙未進士歷官至布政使博學能文所至宦蹟載於其地致仕歸以道誼爲鄉里之倡又畱心文獻著有東里志一書藏於家兵燹之後典故藉以有傳云

黃河清字國祥鴻埕里人也少負穎質讀書了大指入閩訪師問學遂有深諳餼食鬻宮一意實

學不問外事而孝悌廉介其天性也嘗值寇亂父挈家以避賊將追及河清故自爲殿以緩之被擄賊知其名將屈之不從以計脫歸兵燹之後饑疫荐臻家徒四壁授徒以給其家及貢司教南雄所歷皆以寬和得士掛冠歸里易簣之日囊無私蓄惟以修身篤學勉後人爲厚貽云
祀鄉賢

陳無隱家貧藉妻織以佐饗餐鬻所織布得三金歸視之乃銅也置不問後無隱出妻以金易粟

歸聞之曰陳無隱豈川假金者乎追之還其粟其不苟取如此後寇掠其鄉屠戮殆盡無隱家獨無恙矣

黃夙興字國達號肖雪鴻程人生而壯偉性孝友醇樸舉家謹然無問佃儻疎財見人困乏施與無吝又喜與賢豪長者遊遇輒醉之後以子琮貴贈叅政

黃夙盛號若山邑之鴻程里人也爲人篤實醇厚孝友尤著嘗語人曰士不貴有赫赫之名而貴

有慥慥之行嘉靖之末盛父雪松適爲倭寇所擄盛出入鋒刃以求之聞雪松竟以節自盡仰天大呼誓不與賊俱生鄉人泣止之曰死者不可生而欲以肉投虎無損於賊徒以身殉惜哉孝子之志也相與阻盛不得行盛長兄早世獨與仲兄相依兵火之後家徒四壁謂兄曰先王之道民不二事今吾兄弟貧而作輟於士農之間是交困也兄幸自勉弟姑躬耕以專兄志足矣然於詩書大義亦能通曉性樂施濟家貧每

半其入別貯以給其貧乏晚年益廣人或謝之
曰鄉黨義有相周豈爲惠耶後以子錦貴贈尚
書

黃琦號滄聞河清子性狷潔布衣蔬食處之淡如
萬歷庚子領鄉薦再上春官弗售遂構室山巔
閉戶謝客竟以攻苦得疾終年四十九祀郡鄉
賢祠

劉守元字宗乾號健菴登成化甲子鄉薦博學善
謀畱心世務嘗議設鎮南灣以爲粵門戶後人

後之知縣吳楚材延脩邑志未成卒時甚惜之
梁岳字伯元別號鴻山邑之信寧人也生而端亮
年十四卽博通經史潛心聖學以歲貢歷宦俱
有聲其訓徐聞時邑弟子爲尉所中蔓及多人
岳力雪得免居家莊謹自持門內雍然所著有
讀史集尚書講義孫應龍戊辰進士官至福寧
道應華乙卯舉人年八十餘終於家祀鄉賢

黃
宣化都人萬歷戊戌進士授大理評
所平反出知饒州府百廢俱舉治聲

赫然時饒之宗室多驕恣琮悉繩之以法諸宗
噪於堂琮闔戶待變將其文解組父老率萬人
掖琮升堂乞治事當事竟直琮尋移繁臨江治
臨江多異政饒之民猶越境質成也陞雲南督
學文治蔚興擢福建按察使轉布政使曾因計
策註一小官年老偶見之年方壯甚自悔然已
報部無及矣明年以輯瑞至京謁吏部自檢舉
曰琮憑府縣冊誤開某官年老驗之不然罪當
自受不可誤此官功名也吏部嘆爲長者礦稅

內使橫恣多不法事琮於挽回中陰用籍制七
閩官民得不隕越里居多年善自珍櫛築東津
堤建急水塔每月朔望給米賑濟施棺木塵枯
骨享年八十有九子鶴齡以明經授州吏目未
仕卒

陸寬字元瑜元歌都人榜名子林中萬歷庚子舉
人任永福知縣卒於官子應奎登崇正壬午賢
書淹博善文章兼達世務癸巳死於郝尚久之
亂次子卿風流軼宕聲氣半天下原名漾波中

已卯舉人善詩能草書卒於廣州

黃錦字網菴宣化都人天啟壬戌進士博學能文
熟諳當代掌故由庶常授檢討與修神宗實錄
適魏璫方炎將建生祠于太學間擬轉錦爲司
業錦笑曰吾安能以好官貽萬世笑端乎遂乞
藩封冊使以出懷宗卽位始以少詹充日講官
分較禮闈所拔皆知名士陞吏禮二部侍郎晉
南京禮部尚書敷歷清華二十載三推閣員以
老乞歸田賜存問加宮保林下二十餘年工詩

饒平縣志

卷之八

人物

十一

善書學者仰爲麟鳳享年八十三子殿齡登壬
午賢書

林士科號登明宣化都人爲人靜默寡言弱冠食
餼普庠崇正庚辰詔內外四品以上官各舉堪
爲州縣一人尚書黃錦薦士科授江西新城縣
知縣催科無擾野有樂只之聲時士寇名花殃
者橫行數十年科到任選丁壯授方畧搗巢擒
獲民賴以安

梁之屏字明樹教授岳之長子岳力學不倦常

靠聖賢一邊做去務在正直忠厚以是爲家訓
之大端云屏少與黃宗伯夏農部諸人齊名中
歲謝諸生從陸郡守典與聞新建之學多所發
明時擬諸海陵王良海之東津饒之河口隄潰
亟需修築乃力任之訖於成久而利賴焉居家
唯以孝友爲訓長子應龍由進士爲太平推官
迎養邸舍能於其官則皆其教也以覃恩受封
閱三年卒次子應華己卯舉於鄉雖不及見然
亦見其教之所及矣應華倜儻有義槩遇亂尤

見才惜未竟其用云

鄭茂蕙字日揚高祖宏彞登嘉靖乙酉經魁知沐
陽縣有異政蕙生而岐嶷讀書過目成誦好古
博聞崇正壬午舉於鄉時俗尚華競蕙獨恬淡
授徒餬口順治乙未出教端州之開建講藝授
經待諸生皆有恩意時開令貪殘爲諸生訐告
財竭計無復之竟伏劍死死之先疑蕙爲及門
左袒遺書誣蕙主令幾陷不測主者辯其非實
竟脫於難歸里更授徒自給尤銳意著述所撰

詩文甚多卒年七十門人私謚曰文介
梁應龍號霖海宣化都人崇正丁卯戊辰聯捷進
士筮仕太平府推官丰采峻整蕪湖權閔閔蠹
皆斂手相戒曰勿犯梁公宣城富人無子死一
婢懷孕親族利其產勒婢配奴既舉男斥爲奴
子訟於官久不決龍獨立其子爲後輿情悅服
再補四川保寧府預築梁山土地二閔以扼流
賊之衝蜀疆別陷朝旨切責蜀帥侯良枉冒上
捷功一千九百餘級遮殺行人以足其數衆大

譚龍奉御史符按之亂始戢未幾逆闖破安籠
潼川等處二十餘城保寧震動龍已內召猶日
與士大夫調度戰守五閱月賊解然後去由兵
部調戶部員外郎陞分巡福建福寧道擒賊魁
陳任逢鼎革龍角巾歸里時抱鼎湖之悲林正
三十餘年銳志聖學接引後進捐資築東津堤
修河口陂良田一帶賴之享壽八十一
曾繼興字昭鼎任江西奉新縣巡檢時從善鄉李
淑八等作亂設計勦賊著績勒碑當道嘉其功

委授南昌府守備子日省中順治庚子舉人任
墊江知縣

陸正字元吉邑城西人也世業儒正賦性茂敏深得家學淵源髫年冠童子軍屢試輒居前茅餼於庠以德行申報文衡者三七戰棘闈不就卒以明經老長子大宣邑庠生次子應瑄康熙壬子癸丑聯捷進士孫贈衣邑庠生人謂爲正積善之報云

柯國楹字育喬元歌都人資性謙謹篤嗜書史少

年食餼屢試前茅七戰鄉闈數奇以明經老生平成人之美濟人之厄寧人負我無我負人闔邑稱其有太邱之風長子壬馨明經次廷柱三時珍及長孫方紳皆外庠增生

國朝薛聯桂字忠達邑人嘉靖辛卯舉人薛雍之元孫萬歷庚子舉人采之孫也世有令德壯歲登賢書籍海豐歷官江西糧儲道叅政江省輪漕百萬頭緒紛紜官民交困聯桂親履郡邑清侵匿革陋規督促舳艫進行過淮抵通不爽期限

巨艦無朽敗旗屯絕橫索漕政一清參江藩時
捐銀五百兩修築東廂堤三縣四都賴以粒食
弟國瑞康熙壬子副榜逢恩准貢

謝元瀛字定夫鄉賢運開次子弱冠籍邑庠屢冠
軍甲午舉於鄉戊戌成進士性孝友事季父如
父釋褐後猶跽受杖里人以爲賢子弟化之多
率謹仕浙江石門知縣地當孔道會禁旅征廈
門徵夫無算原額編馬頭項下不足供糜費之
什一爲籲於上憲得少減民困稍紓邑東南舊

有吳越戰場荒米未豁徵坐那移稽交代者五
六任瀝陳兩臺情詞悽惻奉有初閱之膽寒再
閱之傷心三閱之淚下本院自當會題以爲
石門急救之批因得旨免其他爲民請命多
類此比三年以政拙自賦歸來父老攀轅塞路
立碑尸祝焉抵家念本社烟派甚憊捐貲置田
五十畝歲收子粒以贍費地方德之月旦嘖嘖
稱先生可祭於社云子士碩士穎皆餽於庠克
世其家

陸宸箴榜名禧號迎侯又號獻可元歌都人少而
穎異弱冠中副車歸刺股不窺園囿者三載應
學使者試多冠軍崇正壬午歌鹿鳴闈牘人爭
傳誦爲人雅重氣誼慷慨好施有揮金不顧之
槩未幾世變箴尋一菴源地爲歌嘯所市邑事
不問也兩赴禮闈數奇不逢遂受北直涑水令
立保甲革火耗修 文廟士蒙其教民被其休
歷任九載卽投劾賦歸士民攀轅涕泗不忍別
迨還故園惟誨兒孫肆歌咏以樂天年官橐蕭

然猶捐脩砌菴源路四十餘里途人頌之饒地
巽峯低陷箴請縣官倡建文峯塔以培文風壽
八十一終所著觀花閣留花唵琴言涑水志傳
世

梁猶龍字德乘文學之鼎長子鼎起家饒庠屢中
副車猶龍奉庭訓惟謹性骯髒落落不事家人
產七歲工爲文與從兄進士應龍孝廉應華先
後馳名丙午舉粵闈第九人甲巳間東津堤潰
釀金倡修屹然數都保障有少女夜奔猶龍峻

拒密令家人護之以歸其志行如此中庚戌進士未幾與同年進士黃承箕俱卒卒之日不能具棺衾從兄爲之經紀後事置田贍其家人黃承箕字文豹隆眼城都人進海陽庠少家貧父遭難箕多才苦學舌耕奉母中順治丁酉科第六名舉人康熙庚戌進士爲人謹厚不事華靡雖登第恂恂如諸生爲孝廉時母又死于水終身哀痛 殿試後歸家未幾而卒時人惜之盧士芳字馨伯元歌人性剛方慨慷好施樂爲族

里解紛里人義之中庚子科舉人

陸應瑄字蜀鉛邑西城人貢生陸正子也少聰敏力學不倦戶外事勿問髫年進泮試輒前茅癸丑成進士適甲寅寇變執節逃隱專意誘進後學未仕而卒合邑悼惜焉

黃客青字霞樵元歌都人康熙壬子舉人少而穎悟力學能文尤工於詩行履端重孝友素著學者景仰之未仕而卒士林傷焉其子元焜 庠生

呂應恭字鍾異湯溪社人處士儒官呂廷會長子也賦性剛果讀書聰穎屢受知於學使者未遇時設教饒海揭澄及門發榮者甚多嘗解館回夜宿開元寺夢一黑衣神人贈以語曰法輪隨身轉動變不離心莖盤藏功果箕籃緝巨鱗後登乙酉鄉榜四方鼎沸祇與孝廉劉道璋共商防禦之策以此老干家園始知藏緝之語爲不誣也所垂不朽者在捐本社官路太平一石橋爲行人便迄今賴之胞弟呂應璜字公瑜家學

有源以儒士登甲午賢書言貌恂恂非公不至海氛亂時逃影深林不履城市者四載其處于家也重建祠廟以妥神人勸釋給紘以庇鄉社季方之譽衆咸歸之現卽赴選以知民事將來功能嗣看紀于治所

陳本一字正夫元歌人賦性聰慧與其兄邑增生之琦嗜學不倦處家孝友至誠接物嘗受知于晉江郭先生符甲登康熙癸卯科舉人揀選知縣未仕卒其子姪國學鄉學俱該俊十

曾日省號吾三元歌人少失所怙家貧嗜學雖盛
夏隆冬手不釋卷生平孝友醇謹與物無競中
庚子科舉人任塾江知縣大有賢聲因世變歸
里日以課兒孫爲事酌酒論文 人宗爲楷模
邱嗣瓊字班侯元歌人好學能文以孝友聞康熙
戊午科以副榜充貢

范國棟字在經元歌都人中癸卯科武舉素行端
莊邑令吳贈扁其門曰國人稱賢子文緒丁卯
科舉人

楊朝斗茂樟孫也性孝友好學見義勇爲年十九
遊郡庠日以讀書養親爲務視功名淡茹也父
母卒斗居喪哀毀盡禮父遺度母善事之視度
弟如同胞撫弟遺孤如己子時同里生陳堯叟
與斗善家貧祖不能葬叟死無子斗爲具棺擇
地并其祖柩合葬之仍置祭田爲立後從伯拔
唐子不肖以金二百四十兩陰寄斗所明年唐
死其家絕無知者斗乃出所寄金就唐靈前還
其嗣孫甲寅寇變色之憑山村婦女爲賊所擄

其子若夫哀告斗者斗咸捐金助贖之至如爲
潮邑林生堯道贖八旬老母爲師鄭章鼎葬其
妻贖其及笄孫女嫁之皆人之所難者其他行
事皆類此年八十一子六人次時薰府庠生
詹時光號照萬元歌都人孝義性成慷慨樂施明
季隨征在外曾署平樂縣郡丞時值寇變光率
衆防禦寢食皆在城上有功于郡土民爲立碑
焉後歸家園置祭產捐書田祖孫賴之戊子歲
饑人心思變光出所貯以餉族戚相與固守鄉

井一方因而底定又鄉連閩疆閩士多來遊學
至者皆授館餐人頌德焉享壽六十三歲子勝
勳上達韜輝皆庠生孫國學邑庠濟濟多人
黃鶴舉號昂筭別號肩三邑庠生即中書科黃鴻
飛之胞兄也提躬孝友居心敬恕足跡不入公
門日惟課兒迪孫施楷澤及枯骨永言爲善最
樂仁惠廣布桑梓咸欽
賞優行數次
享壽七旬子文龍邑庠生
子賢書孫
元焜府庠人以爲積德

黃鴻飛字君衍號友后癸未拔貢原中書科中書
舍人仁孝天植哲惠性成青年食餼慷慨踈財
督子姪惟以讀書爲第一遇困乏不吝厚貲以
相周宗族鄉黨稱無間睦嫻任郵行至優且至
四方賢豪長者以及騷人遊學至皆館餐之享
壽七十有奇胞姪客青登賢書子蔭晉孫大鍾
俱邑庠生人皆謂生平課督之力也